

武

備

志

武備志卷一百五十九

防風茅元儀輯

占度載

占十二

占星六

星妖

妖星者、五行之氣、五星之變、各以其方以爲殃災、各以其日五色占、知何地吉凶、其出無道之國、失禮之邦、爲兵爲饑、水旱死亡之徵也、又曰、凡妖星

所出形狀不同爲妖如一其出不過一年若三年必有破國屠城其君死天下大亂兵士戰死於野積尸縱橫餘殃不盡爲水旱兵饑疾疫之殃又曰凡妖星出見長大災深期遠短小災淺期近三尺至五尺期百日五尺至一丈期一年一丈至三丈期三年三丈至五丈期五年五丈至十丈期七年十丈以上期九年審以察之其災必應

客星者非其常有偶見於天此皇天大帝之使以告休咎也一曰客星見無常所或出西或守東日

多者事大而禍深、日少者事微而禍淺、或見而變色、芒角必有謀弑之兆、其色微小、卽有陰謀兵亂之事、各以星色占之、色白者、其分野兵起、有芒角者、其下破軍殺將、侵城奪邑、

凡客星見其分、若留止、卽以其色占吉凶、星大事大、星小事小、星色黃得地、色白有喪、色青有憂、色黑有死、色赤有兵、各以五色占之、不出三年、又曰、客星入列宿中外官者、各以其所部舍官名爲其事、所之者爲其謀、其下之國、皆受其禍、以守之舍

爲其期以五氣相賊者爲其使

客星者周伯老子王蓬絮國皇溫星皆客星也行諸列舍十二國分野各在其所臨之邦所守之宿以占吉凶

周伯星大而色煌煌然見其國兵起若有喪天下饑衆庶流亡去其鄉

瑞星中名狀與此同而占異

老子星明大色白淳淳然所出之國爲饑爲凶爲善爲惡爲喜爲怒常出見則兵大起人主有憂王者以赦除咎則災消

王蓬絮狀如粉絮拂拂然見則其國兵起若有喪
白衣之會其邦饑亡又曰王蓬絮星色青而熒熒
然所見之國風雨不節焦旱物不生五穀不成蝗
蟲多

國皇星出而大其色黃白望之有芒角見則兵起

國多變若有水饑人主惡之衆庶多疾

此與妖星
國皇占異

溫星色白而大狀如風動搖常出四隅出東南天
下有兵將軍戰於野出東北當有千里暴兵出西
北亦如之出西南其國兵喪並起若有大水人饑

又曰溫星出東南爲大將軍負屈不能發者出於東北暴骸三千里出西北亦然

流星天使也自上而降曰流自下而升曰飛大者曰奔奔亦流星也星大者使大星小者使小聲隆者怒之象也行疾者期速行遲者期遲大而無光者衆人之事小而有光者貴人之事大而光者其人貴且衆也乍明乍滅者賊不成也前大後小者恐憂也前小後大者喜事也蛇行者好事也往疾者往而不反也長者其事長久也短者事疾

流星天狗墜下狀如犬奔星色黃有聲其止地類
狗所墜望之如火光炎炎衝天其土鏡其下圓如
數頃田處或曰赤星上銳下拖光出如彗或曰星
赤其狀赤白有光下卽爲天狗一曰流星有光見
人面墜無音若有足者名曰天狗其色白其中黃
黃如遺火狀主候兵討賊見則四方相射千里破
軍殺將或曰是將鬪人相食所往之鄉有流血其
君失地兵大起國易政戒守禦又曰青赤雲氣結
成大形名天狗破軍殺將人將相食又曰氣赤如

血紛紛亂落名天狗下食血必有惡戰兩軍大傷
凡出軍在城營中有氣赤如血從外入者亦名天
狗下食血大戰流血

流星出紫宮天子使也色赤言兵色白言喪色黃
言吉色青言憂色黑言水出皆以所之分野命其
國

流星有芒或有聲爲怒氣色青爲憂爲饑赤爲兵
爲旱黃爲喜爲土功白爲兵爲刑罰黑爲疾疫爲
死爲水災看休王各以日辰宿分所屬分野論之

衆星流者，萬人不安之象。凡衆星並流，將軍舉兵，隨流星所向擊之勝。凡見流星赤光入我營中大凶。若在前後此伏兵之氣，不可出戰。

流星流而不止者，不出半年動衆離散。若墜軍營中大凶，速退軍避之。一云，易將以禳之。

流星白爲使客，大如爪爲近，小行稍有光爲遲也。又正壬日邊方有受王命者。

凡圍城有流星來往過城，或墜城管中者，敗軍之象。

流星從彼出來、吾軍正常、有間謀來說吾軍、夜半或寅時使至、

奔星所墜、其下有兵、無風雲、有流星見良久間、乃入爲大風、發屋折木、小流星百數四面行者、衆庶流移之象、

流星有光、其色黃白、從天墜、有音如炬燵火下地、野雉鳴、天保也、所墜國安有喜、又曰、流星墜下、四散有聲、曰天保、防火災、

若小流星色青、亦名曰地鴈、其所墜者起兵、

流星有光青赤長二三丈名曰天鴈軍中之精華也其國起兵將軍當從星所之

流星之尾長二三丈暉然有光光白長竟天者人主之使也色赤者將軍使也王相將軍從星所之流星有光尾狀如疋布蒼白色爲使赤爲兵黑者死喪

流星甚大其光照地色青赤流四旁者五穀不登流星有尾赤兼青者直下落於營須急遷去黑爲流星犯日映日而赤色向日而流者天下不安

流星大如月西流有聲蛇行屈曲光照地兵大起下有戰場

流星大如三斗器色赤出紫宮凝著天乃北下人主去其宮殿

大星如斗墜管作聲長數丈者其間大戰殺將急宜移去

凡流星如甕者爲發謀起事大如桃者爲使事流星大如缶其光赤黑有喙者名曰梁星其所墜之鄉有兵君失地

飛星大如缶若甕、後皎然白、前卑後高、此謂頭、其所從者多死亡、

飛星大如缶若甕、後皎然白、前卑後高、搖頭乍止乍下、此謂降石、所下民食不足、

飛星大如缶若甕、後皎然白、星滅後白者、曲環如車輪、此謂解銜、其國人相斬爲爵祿、

飛星大如缶若甕、其後皎然白、長數丈、星滅後白者、化爲雲、流下、名曰大滑、所下有流而責骨、

飛星大如缶若甕、後皎白、縵縵然、可十餘丈而

委曲名曰天刑，一曰天飾，將軍均封疆。

流星隕爲石，有亡國有王，有戰破軍殺將。

流星隕軍營如驢。

流星晝隕，聲如雨，赤白，或長三五丈，忽然更有小星者，軍必敗。

營頭晝有雲如壞山墮，軍上所謂營頭之星，所墜其下，覆軍流血千里，一曰流星晝隕，名營頭，又曰怪星晝行，名營頭，行振大誅也。

流星犯歲星，其地辱主。

流星衝熒惑其下君有福慶若光映熒惑者鄰國有奸謀宜謹防之

流星犯填星外邦有奸人入國又曰流星衝填星填星光潤其分野有福又曰流星犯填星而色赤其分野有兵黑有水

流星犯太白其分野兵弱無兵兵起又曰流星衝太白太白無光其軍師有憂又曰流星潤澤前後有光而銳來穿太白其下若有軍卽還

彗五彗也蒼則王侯破天子苦兵赤則賊起強國

恣黃則女害權奪後、白則將軍逆、二年兵大作、黑則水江河決、賊處處起、

彗星世所謂掃星、本類星、末類彗、小者數寸長、或竟天見、則兵起、大水主掃除、除舊布新、有五色、各依五行本精所主、彗體無光、假日而爲光、故夕見、則東指晨見、則西指、在日南北、皆隨日光而指、頓挫其芒、或長或短、光芒所及、則爲災、又曰、其象若竹、彗樹木條、長短無常、其長大見、久災深、短小見、不久災狹、

河圖云，歲星之精流爲蒼彗，熒惑散爲赤彗，填星散爲黃彗，太白散爲白彗，辰星散爲黑彗，五色之彗各有長短曲折應象。

兩軍相對，彗星見，隨彗所指擊之者勝。

彗星行者事小，止者事大，各以分野占之。

彗星昏見，其國受兵。

彗星出有叛者，兵起其國，一曰：不出一歲，天下大水，其邦尤甚。

彗星見後，曲象旗，則王者討伐四方。

彗星見敵國兵起得本者勝

彗從中出尾向東天下人民死上殺下也尾向北天下相殺向南亦然尾向西南三處逆臣動尾向東南人不安尾向西北臣弑君西北者乾位尾向東北胡夏不和四尾相連天下太平君臣有德彗出兩尾天下囚徒反

二彗並現天下大亂一年主赦

彗星犯乾不移國災亢旱人民有難一年內應犯坎不移兵起一年內應

犯艮不移五穀不收人民不安

犯震不移民亂五穀無收凶

犯巽不移有陰謀事二百日內應

犯離不移兵亂旱災一年內應

犯坤不移反逆之兆一年內應

犯兌不移君王離位一年內應

彗犯角亢至近不移主大風有哭痛聲人民饑一

年內應

犯氐房心不移宋國水災兵戈大亂三百日內應

犯尾箕不移、燕國大兵起、人民饑荒、三百日內應、
犯斗牛女不移、吳越兵起、人民荒亂、水災、一年內
應、

犯虛危不移、蝗蟲災傷、人民大亂、一年內應、

犯室壁不移、水災漂流、人民散亂、

犯奎婁近不移、魯地有兵起、人民離亡、疾疫、一年
內應、

犯胃昂畢近不移、趙魏有火災、妖孽鬼祟作害、饑
荒、一年內應、

犯角參井近不移、晉地大兵起、亢旱饑饉、一年內應。

犯鬼柳近不移、秦地大兵起、人民災、三百日內應、
犯星張近不移、周地有兵、人民疾疫、一年內應、
犯翼軫近不移、楚地有賊大亂、三年內應、

孛星者惡氣所生、爲亂兵、其所以孛德、孛德者亂之象、不明之表、又參然孛焉、兵之類也、故名之曰孛、孛之爲言、猶有所傷害、有所妨蔽、或謂之彗星、所以除穢而布新也、又曰孛星彗之屬也、偏指曰

彗芒氣四出曰孛。孛者，孛孛然非常惡氣之所生也。內不有大亂，則外有大兵。天下合謀闇蔽不明，有所傷害。晏子曰：君若不政，孛星將出。彗星何懼乎？由是言之，災甚於彗。

漢京房《風角書》集星章所載妖星，皆以五寅日見於月旁，各以五星所生云。

天槍生箕宿中，天根生尾宿中，天荊生心宿中，天懷生氐宿中，天樓生亢宿中，天桓生左角宿中，皆歲星之所生也。見以甲寅日，其星咸有兩青方在。

其旁

天陰生軫宿中、晉若生翼宿中、官張生張宿中、天惑生七星宿中、天雀生柳宿中、赤若生鬼宿中、串尤生井宿中、皆熒惑之所生也、出在丙寅日有兩赤方在其旁、

天上天代從星、天樞、天翟、天沸、荆、彗皆填星之所生也、出在戊寅日有兩黃方在其旁、

若星生參宿中、帚星生觜宿中、若彗生畢宿中、竹彗生昴宿中、牆星生胃宿中、猿星生婁宿中、白藿

生奎宿中、皆太白之所生也、出在庚寅日、有兩白方在其旁、

天美生壁宿中、天龜生室宿中、天杜生危宿中、天麻生虛宿中、天林生女宿中、天高生牛宿中、端下生斗宿中、皆辰星之所生也、出以壬寅日、有兩黑方在其旁、

已上三十五星、卽五行氣所生、皆出於月左右方氣之中、各以其所生星將出、不出日數期候之、當具未出之前而見、則有水旱、兵喪饑亂、所指亡國、

失地王死破軍殺將

歲星之精流爲天棓天槍天猾天衝國皇反登

一曰天棓一名覺星或曰天格本類星末銳長四丈或出東北方西方主滅兵主奮爭又曰天棓出其國凶不可舉事用兵又曰期三月必有破軍拔城又曰歲星失次進而東北三月生天棓長四尺餘主鐵鉞動

二曰天槍主捕制或曰攬雲如牛槍雲如馬或曰天槍左右銳長數丈天攬本類星末銳長丈其出

武備志卷之三
不過三月必有破國亂軍伏死其辜殃之不盡當
爲饑旱疾

三曰天猾主招亂又曰人主自恣逆天暴物則天
猾起

四曰天衝狀如人蒼衣赤首不動王滅位又曰衝
星出臣謀主武卒發又曰天衝抱極泣帝前血濁
霧下天下冤

五曰國皇或曰機星散爲國皇星大而赤類南極
老人星主滅奸主內寇內難見則兵起天下急或

云其下起兵兵強又曰外內有兵喪又曰見則其
衝不利東南兵起或云去地二三丈如烟火狀與客
星名同而
占狀異

六曰反登主夷分皆少陽之精司徒之類青龍七
宿之域有謀反若恣虐爲害主失春政者以出時
衝爲期皆主君徵也

熒惑之精流爲析旦蚩尤旗昭明司危天撓
一曰析旦或曰昭旦主弱之符又曰析旦橫出叅
擢百尺爲相誅滅

二曰蚩尤旗，或曰旋星散爲蚩尤旗，或曰蚩尤旗，五星盈縮之所生也，狀類彗而後曲象旗，或曰四望無雲，獨見赤雲，蚩尤旗也，或曰蚩尤旗如箕，可長二丈，未有星所見之方，其下有兵，又曰亂國之王衆邪並積，有雲若植萑竹長，黃上白下，名曰蚩尤旗，主誅逆國，又曰帝將怒，則蚩尤旗出，又曰虐主反度，則蚩尤旗出，或曰本類星而後委曲，其象旗旛，可長二三丈，見則王者旗鼓大行，征伐四方，兵大起，不則國有大喪，又曰長星竟天，是爲蚩尤。

旗所以去無道、建有德國大亂而亡、

三曰昭明五星變出於西方、名曰昭明金之氣也、
又曰赤彗分爲昭明、昭明滅光象如太白七芒、故
以爲起霸之徵、或曰機星散爲昭明、又曰西方有
星望之去地可六丈而有光、其類太白數動、察之
中赤、是謂西方之野星、名曰昭明出、則兵大起、其
出也、下有喪出南方、則西方之邦失地、或曰大而
白無角、乍上乍下、所起國兵多變、或曰昭明形如
三尺機、機上有九彗上向、或曰昭明如太白、不行

主起有德、又曰、西方有星、大而白、有角、目下視之、
名曰昭明、金之精、出則兵大起、若起房心、國有喪、
必有屠城、昭明下、則爲天狗所下者、大戰流血、
四曰司危、又名司怪、或曰機星散爲司危、又曰白
彗之氣、分爲司危、司危平以爲垂爭之徵、或曰司
危星大有毛兩角、又曰司危星類太白、數動、察之、
而赤、司危出、強國盈、主擊強候兵也、又曰司危見、
則主失法、期八年、豪傑起、天子以不義失國、有聲
之臣行主德也、又曰司危見、則其下國相殘、賊又

曰司危星出正西西方之野星去地可六丈大而
白類太白一曰見兵起強又曰司危出非其方其
下有兵其衝不利

五曰天撓其狀白小數動主殺罰 一名

斬星天撓主制時又曰大撓見女主 其本

爲主人或曰天撓彗出西北狀如劍長 五丈或

曰如鉤長四丈又曰天撓出其下相撓爲饑爲兵
赤地千里枯骨藉藉一曰天撓出其國內亂又曰
太陽之精朱鳥七宿之域有謀反恣虐爲害主失

夏政

填星之精流爲五殘六賊獄漢大賁星絀流芾
星旬始擊咎

一曰五殘或曰旋星散爲五殘亦曰蒼彗散爲五
殘如辰星出角故爲毀敗之徵或曰五殘五分一
曰一本而五枝也期九年間與三九二十七太亂
不可禁又曰五殘者五行之變出於東方五殘木
之氣也一曰五鏐又曰五殘星出而東東方之野
星狀類辰星去地可六七丈大而白或曰大而黃

主乖亡亦爲備急兵見則主誅臣野亂成或曰東方有星望之去地可六丈大而赤察之中青或曰星表青氣如暈有毛其類歲星是謂東方之野星名曰五殘出則兵大起其出也下有喪出北則東方之邦失地又曰五殘出四蕃虛天子有急兵或曰五殘大而赤數動察之中青又曰五殘出則兵起

二曰六賊五行之氣出於南方名曰六賊火之氣也或曰六賊星如彗又曰南方有星望之可去地

六丈赤而數動，察之有光，其類熒惑，是謂南方之野星，名曰六賊。出則兵起，其國亂，其出也下有喪。出東方則南方之邦失地，又曰六賊星見出正南，南方之星去地可六丈，大而赤，數動有光，又曰五殘六賊出，禍合天下，逆侵關拒。

三曰獄漢，一曰咸漢，或曰權星散爲獄漢，又曰咸漢者，五行之氣出於北方，水之氣也。獄漢青中赤表，下有三彗從橫，主逐王刺王，又曰北方有星，望之可去地六丈，大而赤，數動，察之中青黑，其類辰

星是謂北方之野星名曰咸漢出則兵起其下有喪出西方則北方之邦失地又曰獄漢動諸侯驚出則陰橫又曰五殘六賊司危咸漢出非其方其下有兵其衝不利
四曰大賁主暴衝
五曰炤星主滅邦
六曰紉流動天下敖主伏逃又曰紉流主自理無所逃

七日茀星在東南本類星末類茀所當之國實受

其殃

八曰旬始、或曰樞星散爲旬始、或曰五星盈縮之所生也、亦曰旬始妖氣、又曰旬始蚩尤也、又曰旬始出於北斗旁、狀如雄雞、其怒青黑象伏鼈、又曰黃彗分爲旬始、旬始者今起也、狀如雄雞、主舍陽以文白、接精象雞、故以爲立主之題、期十年、聖人起代、羣猾橫恣、又曰旬始怒雌也、主爭兵、主亂、主招橫、又曰旬始照其下、必有滅王、五奸爭作、暴骨積骸、以子續食、見則臣亂、兵起、諸侯爲虐、又曰常

以戊戌日視五車及天軍天庫中有奇怪曰旬始狀如鳥有喙而見者則兵大起攻戰當其首者破死或曰出則諸侯雄鳴又曰出見北斗聖人受命天子壽王者有福

九曰擊咎出臣下主一曰臣禁主主大兵又曰土精斗七星之域以長四方司空之位有謀反恣虐者占如上

太白之精散爲天杵天柎伏靈大敗司奸天狗天殘卒起

一曰天杵主牂羊

二曰天柎主擊殃

三曰伏靈主領讒伏靈出天下亂殺人

四曰大敗主鬪衝或曰大敗

五曰司奸主見妖

六曰天狗亦曰五星氣合之變出西南金火氣合名曰天狗或曰天狗星有毛旁有短彗下如狗形者主徵兵主討賊亦曰天狗流五將鬪又曰西北方有星長三丈而出水金氣交名曰天狗亦曰西

北三星大而白名曰天狗見則大兵起天下饑人相食又曰天狗所下之處必有大戰破軍殺將伏尸流血天狗食之皆期一年中二年遠三年各以其所下之國以占吉凶

與流星天狗名同占狀小異

七曰天殘主貪殘

八曰卒起卒起見禍無時諸變有萌臣運柄又曰少陰之精大司馬之類白虎七宿之域有謀反若恣虐爲害主失秋政者期如上占禍亦應之

辰星之精散爲枉矢破女拂樞滅寶繞廷驚理大

奮祀

一曰枉矢，或曰填星之變爲枉矢，又曰機星散爲枉矢，亦曰枉矢，五星盈縮之所生也，弓弩之象也，類大流星，色蒼黑，蛇行望之，如有毛目，長數匹，著天主反萌，主射，愚又曰黑彗分爲枉矢，枉矢者射是也，枉矢見，謀反之兵合，射所誅，亦爲以亂伐亂，又曰人君暴專已，則有枉矢動，亦曰枉矢類流星，望之有毛目，長可一匹布，皎皎著天，見則大兵大將出，弓弩用，期三年，又曰枉矢所觸天下。

伐射滅之象也。又曰：物莫直於矢，今蛇行不能直而枉者，執矢者亦不正，以象執政亂也。

二曰破女破女，若見君臣皆誅主勝之符。

三曰拂樞拂樞，動亂駭擾無調時。又曰：拂樞主制時。

四曰滅寶滅寶，起相得之。又曰：滅寶主伐之。

五曰繞廷繞廷，主亂孽。

六曰驚理驚理，主相署。

七曰大奮祀大奮祀，主招邪。或曰：大奮祀出主安。

之太陰之精、玄武七宿之域、有謀反、若恣虐爲害、主失冬政者、期如上占、禍亦應之。又曰、五精潛潭、皆以類逆所犯、行失時、指下臣承類者、乘而害之、皆滅亡之徵也。

武備志卷一百六十

防風茅元儀輯

占度載

占十三

占星七

星妖二

雜妖星，一曰天鋒彗象，矛鋒天下縱橫，則天鋒星見。

二曰燭星，狀如太白，其出也不行，見則不久而滅。

或曰主星上有三彗上出所出城邑亂有大盜不成又以五色占

三曰蓬星大如二斗器色白一名王星狀如夜火之光多至四五少卽一二亦曰蓬星在西南長數丈左右兌出而易處星見不出三年有亂臣戮死又曰所出大水大旱五穀不成人相食又曰有星其色黃白方不過二尺名曰蓬星又曰蓬星狀如粉絮見則天下道術士當有出者布衣之士貴天下太平五穀成一曰蓬星出北斗諸侯有奪地以

地亡有兵起

與客星主蓬絮占異

四曰長庚如一疋帛著天見則兵起

五曰四填星出四隅去地六丈餘或曰可四丈或曰星大而赤去地二丈常以夜半時出見星十月而兵起皆爲兵起其下

六曰地維藏光地維藏光者五行之氣出於四季土之氣也又曰四隅有星望之可去地四丈而赤黃搖動其類填星是謂中央之野星出於四隅名曰地維藏光出東北隅天下大水出東南隅天下

大旱出西南隅則有兵起出西北隅則天下亂兵大起或曰出四隅大而赤如月始出見則其下有亂者亡有德者昌

七曰女帛女帛者五星氣合變出東北水木氣

合也又曰東曰女帛見則

天下兵起有大喪又曰東北有三大星出名曰女帛占同上

八曰盜星盜星者五星氣合之變出東南火木氣合也又曰東南有星長三丈而出名曰盜星見則

天下有大盜多寇賊又曰東南有三大星出名盜星占同上

九曰積陵乃五星氣合之變出西北金水氣合也又曰西南有星長三丈見則天下隕霜兵大起五穀不成民饑又曰西南有三大星名曰積陵出則天下穀貴十倍積一作種

十曰端星乃五星氣合之變出與金木水火合於四隅又四隅有星大而赤察之中黃數動長可四丈此土之氣効於四季名曰四隅端星所出兵大

起、

十一曰昏昌、有星出西北、氣青赤以環之中、赤外青、名曰昏昌、見則天下兵起、國易政、先起者昌、後起者亡、高十丈亂一年、高二十丈亂二年、高三十丈亂三年、

十二曰莘星、有星出西北、狀如環、一名山勤星、見則諸侯有失地、在西北國、

十三曰白星、如星非星、狀若削瓜、有勝兵、名曰白星、出則爲男喪、

十四曰菟昌西北菟昌之星有赤青環之有殃有青爲水此星見則天下改易

十五曰格澤氣赤如火炎炎中天上下同色東西絙天若於南北長可四五里此災惑之變見則兵起其下伏尸流血期三年

與瑞星格澤占異

十六曰歸邪色如赭光焰出如彗非彗如星非星如雲非雲見陰雲中如陽發於陰之象或曰有兩赤彗上向上有益狀如氣下連星或出北斗旁或光射貫北斗或曰見必有歸國者或曰主兵敵國

滅王復興聖人出

十七曰濛星又曰隧星夜有赤氣如牙旗長短四面西南最近又曰刀星亂之象也又曰徧天薄雲四方生赤黃氣長三尺乍見乍沒尋皆消滅又曰刀星見天下有兵戰鬪流血或曰徧天薄雲四方合有八氣蒼白色長二尺乍見乍沒

八怪星一毛頭星一口彗星又曰掃星形如掃帚色似白雲如赤土_如尾指處大凶見則不過一年夷狄兵起中國荒亂又曰白氣穿心上如披頭百

物消耗，亂兵爲害。又曰：從起處一道白氣，長三五丈如筭，不出百日，國內兵起，合主喋血。

二帶劍星，一曰毛，一曰懸刀，一曰仗刀，形如刀色，似白雲如赤土，尖鋒指處大凶，見則不過一年主兵，奸臣作亂。又曰：白氣一條穿心斜貫，兵起作亂，宜先進戰。又曰：有一道氣色，百日内兵起，先動者勝。

三銀鎗星，一曰神錐，一曰吳鉤，形如短鎗，色似白雲，尖指處大凶，主夷狄來侵，盜起，天下亂。又曰：白

氣一條穿心直貫，兵起四方，擾害天下。又曰：有氣穿星而過，長三五丈，形如神鎗，不過六十日，兵起，侵越疆界。

四張弓星：一曰射弓，一曰破射，形如弓樣，如初月，色似白雲，尖指處大凶。見則不過二年，兵起天下大亂。又曰：氣焰如弓架箭以射，兵起民災，後終有功。又曰：形如弓拽滿，起立當心，中國兵起，以威天下，靖亂定難。

五神義星：一曰神鎗，一曰神戟，形如叉，色似日雲。

尖指處凶見則不過一年國內大亂又曰星焰上出未開兩丫大兵起亂主將乖疑又曰下一道氣色見不過四十日國內大亂死亡相籍

六拖練星一曰長庚一曰短帶形如拖練色似白雲尖指處大凶見則不過一年草寇興兵又曰星垂白氣如練兵革起亂國主凶災又曰從起處有氣色一道如舒綿不過九十日國亂兵起民逃

七拋毬星一曰長人頭一曰數月形如圓月色似白雲見則不過一年天子離宮人民失業又曰旂

頭上圓下披見則兵亂人死如山又曰從起處發一道氣色細微如練長三二丈號曰拋毬不過五六十日兵大起

八旗鎗星一曰懸燾一曰擔旗形如旗鎗色似白雲見則一年內兵起國亂又曰星焰上起斜如擔旗邊兵作亂血戰無休又曰其氣二道如人肘搶上面氣如遮大旗其星若於夜起從營寨上見主營中不過三更更有血也此星見者百日内四夷兵起中國大亂殺人如麻

景星者，德星也。天曜而見，景星曜精明也。一名良星，亦名瑞星。如半月生於晦朔，助月爲明。或曰：星大而中空，或曰：黃光焰焰如半月，或曰：有赤方氣與青方氣相連，赤方中有兩黃星，青方中有一黃星，凡三星合爲景星也。其狀無常，常出於有道之國。

星如炎火，色黃白，起地而上下大，上銳，曰格澤。其見則不種而穫，不有土功，必有大客。

大星在西方，光明黃潤，曰壽星。見則人君壽考。

赤星黃光在赤氣中曰祿星見則其國吉昌

星黃色煌煌然其光燭地曰周伯所見之國大昌

與客星周

伯占異

星光耀明盛似彗射出曰含譽喜則含譽射又主

蠻夷入貢

附二十八宿分野所屬

角亢

河南開封府

歸德府

汝寧府

角亢
兼氐

房心

南直隸徐州

尾箕

北直隸順天府 尾河間府 尾遼東都指揮使司

尾永平府 尾保安州 尾隆慶州 尾萬全

都指揮使司 尾保定府 尾箕兼

昂畢

斗

南直隸應天府 鳳陽府 蘇州府 廬州府

安慶府 太平府 寧國府 池州府

徽州府 廣德州 和州 滁州

江西南昌府

饒州府

瑞州府

南康府

九江府

建昌府

撫州府

廣信府

臨江府

吉安府

袁州府

贛州府

南安府

浙江杭州府

嘉興府

處州府

湖州府

斗牛

牛女

浙江嚴州府

金華府

衢州府

紹興府

寧波府

台州府

溫州府

福建全省惟建寧府

女

廣東全省惟惠州府

女

廉州府

翼軫

虛危

山東青州府

危

山東濟南府

登州府

萊州府

東昌府

危室

室壁

河南彰德府

衛輝府

懷慶府

北直隸大名府

奎婁

山東兗州府

胃昂

北直隸順德府

昂

北直隸廣平府

昂畢

北直隸真定府 大同府

崑參

山西平陽府 澤州

四川松潘軍民指揮使司

參

山西汾州

參井

山西大原府

潞州府

遼州

四川順慶府

成都府

井鬼入參一度

井鬼

陝西西安府

鳳翔府

平涼府

鞏昌府

臨洮府

慶陽府

延安府

寧海衛

洮州衛 岷州衛

陝西行都指揮使司

漢中府

井鬼兼翼軫

四川叙州府

重慶府

保寧府

潼川府

眉州

嘉定州

瀘州

雅州

烏蒙軍民府

烏撒軍民府

芒部軍民府

播州宣慰使司

永寧宣撫司

黎州安撫司

四川行都指揮使司

雲南全省

貴州全省

馬湖府

鬼

龍安府

甲

柳

河南河南府

張

河南南陽府

翼軫

湖廣承天府

武昌府

漢陽府

襄陽府

德安府

黃州府

荊州府

岳州府

長沙府

朱州府

衡州府

辰州府

常德府

彬州

永順宣慰司

四川夔州府

廣東廉州府

廣西全省

實慶府

軫

靖州衛

軫

施州衛

翼

武備志卷一百六十一

防風茅元儀輯

占度載

占十四

占雲氣一

茅子曰周禮天官氏掌雲氣之占秦漢間望氣者之言益驗故其說甚著我叅次其切于兵者曰氣之地氣之候氣之風雨氣之災瑞氣之天子氣之猛將氣之戰陣氣之軍勝氣之軍敗氣之暴兵氣

之伏兵氣之攻守氣之陰謀

氣之地

氣之候

氣之災瑞

氣之風雨

氣之天子

氣之猛將

氣之戰陣

氣之軍勝

氣之軍敗

氣之暴兵

氣之伏兵

氣之攻守

氣之陰謀

氣之地

自華以南氣下黑上赤，嵩岳三河之郊氣正赤，恒山之北氣青，常山以北其氣上青下黑，見白則亂，勃碣海岱之間氣皆正黑，見之君亡，江淮之間氣

皆白東海氣如圓燈見之大水漢河水氣如引布
江漢氣勁如杼濟水氣如黑狔見則亂渭水氣如
狼白尾見之天下荒淮南氣如帛一曰如白羊見
此氣則亂少室氣如白兔青尾見則君亡恒山氣
如黑牛青尾東夷氣如樹見之則勝西夷氣如室
屋見則賊亂南夷氣如閭臺或類舟船旗幡見之
則兵起北夷之氣如羣畜穹廬韓雲如布趙雲如
牛楚雲如日宋雲如車魯雲如馬衛雲如犬周雲
如車輪秦雲如行人魏雲如鼠鄭齊雲如緯衣越

雲如龍蜀雲如困

氣之候

凡候氣之法，氣初出時，若雲非雲，若霧非霧，髣髴若可見，初出森森然在桑榆上，高五六尺者，是千五百里外，平視則千里，舉目望則五百里，仰瞻中天則百里內，平望桑榆間二千里，登高而望下屬地者，三千里，敵在東，日出候之，在南，日中候之，在西，日入候之，在北，夜半候之，王相色吉，囚死色凶，軍上氣高勝下，厚勝薄，實勝虛，長勝短，澤勝枯，我

軍在西賊軍在東氣西厚東薄西長東短西高東下西澤東枯則知我軍必勝

凡候氣常以平旦下晡日出沒時處氣以見知之占期內有大風雨久陰則災不成故風以散之陰以緩之雲以幡之雨以厭之

凡欲知我軍氣常以甲巳日及寅子辰戌午未亥日八月十八日去軍十里許登高望之可見依別記占之百人以上皆有氣

凡望雲氣來卑而循車道者不過三四日去之五

六里見氣來高七八尺者，不過五六日去之；十里
二十里見氣來高丈餘二丈者，不過三四十日去
之；五六十里見梢雲精白者，其將悍，其土怯，其大
根而前絕遠者，戰精，白其芒低者，戰勝，其前赤而
昂者，戰不勝，雲氣有戰居上者勝，氣相遇卑勝高，
銳勝方，占鬪其直正朔所候，決於日旁，日旁雲氣
人主象皆如其形以占，故北夷之氣如羣畜穹間，
南夷之氣類舟船幡旗，大水處敗軍場，破國之虛，
下有積泉金寶，上皆有氣，不可不察。海旁蜃氣象

樓臺廣埜氣成宮闕然雲氣各象其山川人民所聚積故候息耗者入國邑視封疆田疇之整治城郭室屋門戶之潤澤次至車服畜產精華實息者吉虛耗者凶

氣之災瑞

瑞氣三一日慶雲若烟非烟若雲非雲郁郁紛紛蕭索輪囷是謂慶雲亦曰景氣此喜氣也太平之應二曰歸邪如星非星如雲非雲或曰星有兩赤彗上向有益下連星見必有歸國者

與妖星歸邪占異

三

曰昌光赤如龍狀聖人起帝受終則見

妖氣二一曰狎雲如狗赤色長尾爲亂君爲兵喪
二曰天狗日出時有著天白氣廣如一匹布長十
餘丈西南行謹如雷西南行一刻而止

凡占災異先推九宮分野六壬日月不應陰霧風
雨而陰霧者乃可占對敵而坐氣來甚卑下其陰
覆人上掩溝蓋道者是大賊必至

凡氣初出似甌上氣勃勃上升氣積爲霧霧爲陰
陰氣結爲虹蜺暈珥之屬

凡氣不積不結，散漫一方，不能爲災，必須和雜殺氣，森森然疾起，乃可論占。

喜氣上黃下白，其國有喜；怒氣上下赤，主國君怒，將喪憂氣上下黑，其軍有憂；土功氣黃白，移徙氣白。

夜東方有赤色，大三四圍，長二三丈，索索如樹，南方有大四五圍，下行十餘丈，皆不至地滅，若西北皆然，曰客之變氣，狀如樹木，四方有欲動者，凡夜青白氣衝北斗，爲大戰，太白出氣長數丈多。

所指處大兵起有雲如衆風是謂風師有大兵大災、

正月一日占四方雲氣有雲東去當年豐稔有雲南去當年晴旱有雲西去秋冬兵起五穀貴有雲北去當年秋間水滂凶十五日夜子時至平明時若東方有青雲人民饑困獄內多死白雲主喪人主大凶若南方有赤雲主大旱三千里人民不安主太原地人災天旱白雲主兵戈若西方有赤雲主有假拜天子事黑雲主民亂不安白雲黑雲主

秋冬兵起、中國大亂、君殺大將軍、天下大亂、若北方有黑雲、七月內水災平地三尺、若中央有赤雲、當年主婦人多病死、

二月一日有雲東南來、主今春旱、有雲南去、主田禾大收、有雲西去、主民有虛驚事、有雲北去、主今春夏富足吉、

三月一日有雲東去、主年內人疾、有雲南去、主火光之災、有雲西去、主九十日無雨、有雲北去、主立秋有風傷禾、

四月一日有雲東去，九十日瘴疫，有雲南去，主田禾焦損，有雲西去，主三十日風災，有雲北去，主四十日外人民災疾。

五月一日有雲東去，主瓜果不收，牛羊災，有雲南去，秋冬賊起，有雲西去，五十日內人生異物爲不祥。

六月一日有雲東去，晚田收成，有雲南去，秋間人疫死，有雲北去，冬月多雪。

七月一日有雲東去，秋疫，有雲南去，冬月來春人

多疫災有雲西去風雨多有雲北去五穀貴

八月一日有雲東去來春有成有雲南去來年粟貴有雲西去冬月人民不安有雲北去當月分野禽獸災

九月一日有雲東去冬月牛病有雲南去六畜賤人民亂有雲西去人民喜悅有雲北去國有好事十月一日雲東去來春收成微有南去主野禽獸災有雲西去主七十日內有雲北去人民喜悅

十一月一日有雲東去來春人災有雲南去春
有雲西去主野禽獸災

十二月一日有雲東去來春多雨雪損花果有雲
南去春不雨有雲西去春旱人民患上焦病有雲
北去春雨水調勻若隨月一日四方無雲氣則無
吉凶事矣

當年日夜觀印北斗以占吉凶若黑雲映北斗主
年中大旱損五穀若青雲映北斗年內夏損也白
雲映北斗主年內粳米貴赤雲映北斗主年內大

旱黃雲映北斗主大熟雨水調均

立春之日觀其雲而知吉凶日平旦東方見青雲
宜夏麥南方見赤雲主豆全收西方見白雲宜粳
糯北方見黑雲宜大豆中央見黃雲宜雜田至日
夜暗陰全不食卽苗不實但食與不食卽知五穀
損益正月一日東方見黑雲主春雨南方見黑雲
主夏雨西方見黑雲主秋雨北方見黑雲主冬雪
仔細占之無不應兆

白氣如布十字橫四方兵起天下不寧應在當年

青氣廣五六丈、東西竟天、天下有喪、

黑氣如人列陣、乃天下兵起、人主修德、禳之吉、

黑氣如犬、如羣猪、羊、四夷不順、

黑氣如牛頭、龍虎蛇變化、有疾病、民流亡、夷狄欲

欺中國、宜察讒奸、

白雲氣極天、南北陣、國有憂、

雲如疋布行、國都中、其國分君常憂、

雲如立人、或如三牛、邊城圍、

雲如龍形、其國大水、人流亡、

赤雲如牛無角三日有大雨不雨不出三十日北夷兵起

殿庭中氣如霧其君必憂

赤氣如火形見者臣叛其君不過三朝天無雲而有氣自廟中出者兵起國亡

有雲如鵠尾來蔭國上三十日亡

凡四方常有大雲五色具者其下有賢人隱

青雲潤澤蔽日在西北爲舉賢良

祥雲如赤狗或踏白雲下有異士訪而求之必得

氣之風雨

雲如巨魚疾行中天、其色蒼黑、有大風、大水災、
雲如亂穰、大風將至、視所從來避之、雲甚潤而
大雨必暴至、

雲如牛車相連、有大水、

青雲掩北斗、五日內有雨、天無雲而北斗上下獨
有黑雲、五日內大雨、日入後有白光如氣、自地至
天、直入北斗、所歷星皆失色、其夜必有大風、
雲氣蒼白色入北斗、多大風、

白雲氣掩北斗、不過三日雨、

黃雲氣蔽北斗、明日雨、

四始之日有黑氣如陣重厚大者、多雨、

凡朔晦弦望雲氣四塞者、皆雨、

黑氣如牛、有暴雨、

黑氣如牛馬、不出三日、大風雨、

黑氣如羣羊奔、如鳥迅飛、必雨、

雲如兩人提鼓持桴者、有暴雨、

凡六甲日雲氣四合、當日雨、無雲、一旬少雨、

每日平明看五方有雲，主下雨。若東方有青雲，主甲乙日下雨；南方有赤雲，主丙丁日下雨；西方有白雲，主庚辛日下雨；北方有黑雲，主壬癸日下雨；中央有黃雲，主戊己日下雨。

每日平明看五雲接日占雷雨。凡白雲接，主下雨；黑雲接，立便雨；五色惡雲接日，主雷雹；夏間赤雲接日，爲朝霞，雨便至；冬間赤雲接日，爲火氣，主雨雪。

白雲氣如舞，往來其處，淒風送迎，大雪將下。

氣之天子

凡天子氣內赤外黃正四方所發之處當有王者若天子欲有遊往處其地亦先發此氣或如城門隱隱在氣霧中恒帶殺氣森森然或如華蓋在氣霧中或有五色多在晨昏見或如千石倉在霧中恒帶殺氣或如高樓在氣霧中或如山鎮蒼帝起青雲扶日赤帝起赤雲扶日黃帝起黃雲扶日白帝起白雲扶日黑帝起黑雲扶日或有氣象青衣人垂手在日西天子之氣也一日蒼帝氣如人回

日拳手而俛首，一手在後，赤帝氣如象火光，如
奠狀，立，在日下，黃帝氣如馬，在日下，白帝氣如虎，
在日下，黑帝氣如盤，在日下，青紫氣自地屬天，有
女主，敵上氣如龍馬，或雜色鬱鬱衝天者，此帝王
之氣，不可擊，若在吾軍，戰必大勝，或雲似雙臺，五
采色，或雲如塔，如樓臺，如魏闕，並峙而色五采，或
雲如冠裳，而五采具，下有辰，皆天子氣也，在我軍
勝，在敵軍勿與戰，凡天子之氣，皆多上達于天，以
王相日見其國大昌。

氣之猛將

凡猛將之氣如龍如虎兩軍相當若氣發其上則其將猛銳或如虎在殺氣中猛將欲行動亦先發此氣若無行動亦有暴兵起或如火煙之狀或白如粉沸或如火光之狀夜照人或白而赤氣繞之或如山林竹木或紫黑如門上樓或上黑下赤狀似黑旌或如張弩或如埃塵頭銳而卑本大而高兩軍相當敵軍上氣如圉倉正白見日逾明或青白如膏將勇不可擊

氣發漸漸如雲變作山形將有深謀

凡氣上與天連軍中有貞將或云名將又云賢將多謀

黃雲如土色名曰猛將之氣應于起處軍上其下有出勇將也

氣之戰陣

大軍行氣如三疋布前廣後銳陣雲如立垣占曰見此客勝一日天中明朗兩邊有雲如一字又形如疊荷錢無數此爲陣雲也必有戰者三五夜如

此之色愈甚、交戰在即、陣雲如疊、荷錢五色俱現、
於西方、獨北方黑雲見者、賊必敗、凡黑雲高即戰、
遠低戰近、車氣乍高乍下、往往而聚、騎氣卑而布、
卒氣搏、前卑後高者疾、前方而後高者銳、後銳而
卑者却、其氣卑者、其行徐、前高後卑者、不至而返、
校騎之氣正蒼黑、長數百丈、遊兵之氣如彗掃、
云長數百丈、無根本、杼雲類杼、見此兵亂、軸雲搏、
而端銳、殺氣黑而勁、橫于空中、或白、

軍上氣安則軍安、氣不安則軍不安、氣南北則、

南北氣東西則軍亦東西氣散則軍破敗

出軍以敵國或主將之姓音占雲氣商音黑白雲
或青雲吉黃雲半吉赤雲大吉宮音黃雲吉白雲
凶青雲黑雲不戰凶赤雲小吉角音黑雲吉黃勝
青不戰赤白皆凶徵音赤雲吉白雲勝青雲不利
黑雲凶羽音黑雲吉黃雲凶白雲吉宮雲似風聲
商雲似鐘鳴角雲如千萬人聲徵雲如羣羊多聲
羽雲似鴉聲

凡觀雲氣惟論子午卯酉四時雲黃者和氣無敵

黑者有敵、斯乃賊殺之氣也、白者兵氣前後有暗
兵來應、大勝青者瑞氣有賞賜班師之兆、黑而漸
小者我必勝、賊必敗、一曰黑者賊勝、赤者我勝、賊
敗、紅雲血光湧起者、有賊青紫襍者、講和也、

天見五色雲氣、望東西南北至子午卯酉、若百步
千步、一丈十丈百丈數百丈、如車道與日辰相克
者、大戰不相克者、不戰、王氣所臨、有天命、兵強相
氣所臨、戰勝將吏有功、死氣所臨、疾病死喪饑饉、
破散敗亡、囚氣所臨、被圍降伏、休氣所臨、兵罷無

功士卒亡敗、

青雲入營、兵弱驚、白氣入營、兵強、黃氣入營者、
兵和解、赤氣入營者、兵弱驚恐、黑氣入營者、主疾
病、又主兵相殘、宜徙營、

雲如蛟龍所見、處將軍失魄、

凡戰氣青白如膏、將勇大戰、

氣如人無頭、如死人臥而敵上、氣如丹蛇、赤氣隨
之、必大戰殺將、

四望無雲、見赤氣如狗入營、其下有流血、

四望無雲，獨見赤雲如立蛇，其下有流血，赤雲如覆船者，其下有戰。

氣如白蛇見敵上，其下必大戰流血。

赤氣屈盤停住者，其下有兵流血。

白氣如軍入北斗中轉移者，其下有流血，大將死。有雲似城牆堅固之象，在我軍上大勝，在敵軍上不可攻。

有白雲捧日而腳下垂者，大凶。

有白黑雲捧月而腳下垂者，驚陣殺人不已，過三

日後戰卽勝

之

雲如駱駝、如獅子、如虎、如龍、如閭牛、皆猛將之勢、在我軍上勝、在敵軍上勿攻戰、

雲如驚蛇、或四或五亂走而出者、敗軍之氣、在我軍上勿攻戰、在敵軍上戰大勝、其賊亂走攻破城寨、或有伏兵、慎防之、

凶、雲如野馬向前行、在我軍上勝、在敵軍上勿戰、大

雲如彎弓、如箭射、如怒氣、如魚鱗涌起不散、在我

軍上大勝、在敵軍上不可用兵、

雲如驚鳥、三三五五棲止不定、此亂氣也、在我軍上勿用兵、在敵軍上戰大勝、

忽有黑氣如羣羊者、出兵利大將、或擇羽音年月日時應之吉、

雲如羣羊亂走、三日必有大風塵霾雨雹、卽令兵卒修葺營壘、以防水火之變、

雲如器臺、在彼、兩軍皆傷、勿交戰、器臺者、如食器倒度臺面下、廣上銳中聳而兩端殺也、

雲如米帛鋪列兩兩而北如獻納之狀或有一段
顏色先赤後黑或白先小輪後乃大勝

雲如美女爲喜氣在我軍上有喜至必勝雲如投
拜終和釋

雲如敗甲如死人偃臥如人無頭兩兩僵尸在地
者如人荷枷如列鈇鉞者皆大敗在敵軍上宜攻
戰

雲如死人頭三五在地者大將合斬首

雲頭兩分斷上將有二心速宜和釋否則背反

雲如兩人相揖在我軍上有私通降敵者在敵軍上是敵將投降一曰兵起民流

雲如兩人對立有交通議和在我軍上防有反叛在敵軍上有投拜

雲如兩蛇中交而首尾異處分向四隅四方雲銜其間列若八卦圖式者在我軍上我敗在敵軍上敵敗

有雲斷頭如兩旗前後相隨如兩人執鉞前導皆叛軍之氣慎防其變在敵軍上敵來投降

凡上下有雲三四段上下疊見而雲分開半從左半從右若相反者名鐸簫陣又有雲一段更有薄雲疊出其上附之若相疊者又有雲形如太山又有雲如脚兩開均停者在我軍上大勝在敵軍上不可用兵

雲如愁眉相對兩軍不利勿交戰

赤雲兼五色祥雲在我軍上三人引兵大勝在敵軍上勿往戰

雲如亂髮名愁雲日月無光又有雲氣六段各分

雲脚竄亂爲敗氣在我軍上戰不利在敵軍上攻戰大勝

雲如人形披髮蓬首驪肩而走爲敗亂之氣戰則軍亂走

軍行忽見雲如橫木過其上或白或黑或黃爲伏兵之氣宜謹防備如在我軍上戰則大勝在敵軍上勿戰

若大戰觀氣前白後青而高者將弱士勇爭擊之前大後小者將怯氣清而疎散者將怯弱可擊

雲氣四段四面對峙如迎營者可攻、

圍雲如一石黑吉赤敗黃可戰、

雲如血盆三五成列上赤下黑者、雲如鍔斧無數、顛倒錯置者、皆敗軍之氣、勿出兵、在敵營上宜戰、必勝、

氣明滅大小不定者、必有詐謀、宜勒兵備之、白雲如羣羊驟雨之兆、急遮蓋營廡、或赤雲徑然來、決定交戰、急宜防備、

有氣來覆人、掩戈蓋甲者、主大敵、急宜預備、

進軍之時雲氣順隨我軍者宜急戰若雲氣忽散則凶

雲氣低覆似人形來者賊軍謀我

雲似虎或似狗穿連似匹練而來者暴師偷營

赤雲連綿似長蛇而斷續者外國賊起謀叛中國戰在秋

雲往來如雨龍相爭在彼軍上我勝

雲似鳥盤旋在其軍中者大吉忌見黑

赤氣如繖蓋覆於軍上千里內戰有慶千里外戰

有憂、黃氣臨營、西向東戰、並凶、北向吉、

赤氣隨日出、軍必有憂、隨日沒、外必告吉、

赤氣漫漫如血色者、流血之象、

赤氣如龍蛇在山頭上、又夜光見者、臣離其君、爲客所傷、人民流移之家、

黑氣如死人頭在彼營上、敵有所獻、且求降、宜許、不許必戰、切戒士卒、必多死傷、

黑氣如牛馬龍蛇變化、夷兵欲叛、宜遣兵伺候、又有讒言爲慝、

黑雲如積山石在我軍上、敵來襲我、我必堅守經月、敵心離而後戰、大勝、

軍行有白雲如猪來臨者、大驚宜備、

凡出軍東伐有白雲西來、隨而擊之勝、若赤雲青雲東來逆軍者、敵勝、

凡敵在東方、白雲東去、而又有雲東來相迎、須臾掣過、雲去而風隨至、望之狀如龍虎、不可戰、若在我軍皆大勝、雖雲從而風逆者、勿戰、

凡有雲氣橫來、兩軍未合、急先設伏戒嚴、防有將

士逃去若黃氣橫我軍上宜舉兵不可遠戰主壯
卒懼人有遁心罷吉

凡兩軍相當彼軍上有赤氣如匹帛廣長數十丈
其下色黃白必有背叛者晝見在將佐夜見在士
卒宜備之

雲如農夫耕隴者兵必大戰

雲黑色如死人在營者敵詐作求降許之必戰
雲氣如車乍高乍下如車先發者勝

稍雲青白去大而絕遠者戰勝前赤伸者不勝一

曰精白者其將悍其士怯大根而前絕遠者大敗
精白其芒低者戰勝

有雲如鳥其出如虫其國戰必勝

夜視彼軍土有黑氣出土有赤氣臨我軍土彼強
我弱弱能破強小能擊大大戰大勝小戰小勝
候氣散者去敵十里後出戰勝

雲氣如三疋帛前橫後大在軍土者戰勝

兩軍相當赤雲在四方客勝在北方客敗加東方
不戰加南方北方軍還餘色倣此

凡被圍平旦視圍上氣鬱鬱如火光芒勢翕翕然
起于其方則其方有救至否則無救

軍行有白氣如虹者軍大驚宜避之南北如陣國
將有憂不則有大水爲害白雲白氣極天南北如
陣有慶黑雲東西如陣有憂若天氣蒼蒼然東西
極天移日不動者爲憂深此以戊巳日出爲災赤
雲臨圍土東西如陣者敗
城營有五色霞氣者敗軍之兆
霞氣青黃或赤白者皆吉

雲霞作龍虎相交者，必大戰。若來逐我，則彼軍凶。復至有妖雲貫日，客兵強盛。

軍出欲知賊得者，赤氣前行，而有黑氣隨之，赤氣滅賊可得。若赤氣獨行，無黑氣隨之者，其賊不可得。

遊兵如芟掃，長百丈無根，乃遊兵不敵。

初出軍日，天昏溟濛，雲氣陰沉寒者，必戰。若清暢晴和，風塵不動者，不見敵，亦不戰。

有青氣見軍之旺相方上者，當城交戰，不見者不

戰

有氣五色白霧出蓋是敗軍之兆不可行事

如氣上小下大主士卒日增上大下小則士卒日減

凡觀雲只論子午卯酉四時如天陰雨晦暗只看天色雲象以知勝敗如何雲黃者和氣無敵黑者乃賊殺氣有敵白者兵氣前後有暗兵來應大勝紅者血光湧起者有賊青者瑞氣吉昌文書之兆黑者賊勝赤者我勝他敗青紫雜者有謀議必死

戰

凡雲且看對衝三合有接脚雲會合則有會兵之象如四方一同雲起半天賊起意之兆忽然黑夜蓋寨者則防賊偷寨之意到半空而散有虛驚如不到半空隨方所民受其害如雲蓋在賊方不散賊必敗矣且如我軍在西敵在東西高東下西厚東薄西澤東枯西長東短西戰則我勝餘倣此凡觀氣如何風色順逆青爲生氣紅爲祥氣白爲兵氣黃爲正氣五色彩氣後看所起在開休生門

吉、杜驚門、平平、傷死門、凶在賊方、則受害、在軍中起、則軍受害、在開門起、主虛驚、氣靜則軍靜、氣動則軍動、

凡觀八門氣、其色有五、曰青、曰紅、曰黃、曰白、曰黑、青雲生氣、休有文書、兵散、生同生、傷賊自悔、杜有賞賜、景和兵之兆也、死自殺、驚賊回營寨、開吉、紅雲祥氣、休彩氣、生生氣、傷血氣、杜用氣、景治氣、可出入死、血光血氣、驚血殺、開青雲氣、黃雲正氣、休有明命、賞賜、生同上、傷主盜、矜遲、杜、

有增人添馬景同上死文書勦捕驚生擒之兆開
敗兵之兆

白雲祥氣休和氣生祥瑞傷干戈之兆杜主祥旺
景賊神旺死干戈交鋒之氣驚鋒犯之氣開出陣
必得方

黑雲殺氣休有陞賞生陰氣傷賊自殺馬病杜出
陣得方景主賊來偷寨死二比不戰亦有病也驚
賊自殺取道給開怒氣

凡遇四方盛氣無向之戰甲乙日青氣在東方丙

丁日赤氣在南方庚辛日白氣在西方壬癸日黑氣在北方戊巳日黃氣在中央四季凡戰背此勝向此敗凡軍前吉氣兵法切要順天時甲子喜黃丙丁白庚辛青露喜相逢捷勝便回歸戊巳黑雲滿天飛壬癸赤雲半路垂旌旗前進莫憂疑切要識天機甲乙怕逢雲氣白丙丁黑雲莫相遮

凡軍前雲氣克日干者凶甲乙日忌白雲丙丁日忌黑雲戊巳日忌青氣庚辛日忌赤雲壬癸日忌黃雲皆敗軍之兆宜堅守勿戰子時有氣應午丑

應未寅應申卯應酉辰應戌巳應亥午應子未應丑申應寅酉應卯戌應辰亥應巳

白金陣方青木陣直黑水陣曲赤火陣尖黃土陣
圖

東方青雲生于亥南方赤雲生於寅西方白雲生於巳北方黑雲生於申此皆爲正雲或黑雲盛于東南西不可進兵黑雲淡薄正雲現兩三夜甚遍黑雲又在死絕賊敗若黑雲在墓上生於旺時又遍於西方又變作青黃紅白此賊勢強或黑雲生

於北方彼寨我軍前赤白青黃雲去惹之吾軍大勝若黑雲來宜謹守勿戰黑雲生於死絕時賊敗黑雲速散不久聞南方起吾軍大勝也

青黃赤雲皆變白白變赤吉白變青黑凶正雲皆變白於西方大吉

白雲滿天忽變黑雲天地皆暗順風吹來軍營中爲之殺雲宜急防備也

凡行軍有青雲覆其上經時不散遇敵必勝攻城自陷若五月七月見之自損兵馬

凡寨中有黃雲在青雲之上是夜必有小將逃遁
若青雲在黃雲上當夜必有小將來攻宜預防之
凡安營有黑雲如鳴雞狀與營門相對宜移營高
阜天必大雨河水泛漲防有沉溺之患